

四庫全書

子部

欽定四庫全書

子部

普濟方卷一百三十四

詳校官太醫院醫官臣姜鳳
編修臣倉聖脈覆勘

總校官庶吉士臣倉聖脈

校對官中書臣王鍾泰

謄錄監生臣崔鶴立

欽定四庫全書

普濟方卷一百三十四

明周王朱補撰

傷寒門

傷寒發豌豆瘡

論

凡傷寒熱毒內盛多發胞瘡者以病人裏實表虛故也
裏實則毒氣不能內消表虛故乘虛發於肌肉而成瘡
也其病大小形如豌豆其色或白或赤若頭作癰漿戴
白膿者其毒則輕若紫黑色作根根在肌肉裏者其毒

則重甚者周匝徧身五內七竅皆有也夫表虛裏實熱毒內盛攻於臟腑餘氣留於肌肉遂於皮膚毛孔之中結成此瘡重者匝遍其身狀如火瘡若根赤頭白則毒輕若色紫黑則毒重其瘡形如豌豆亦名豌豆瘡脉洪數者是其候也

方

黃連飲子 治傷寒毒氣未散發豌豆瘡

黃連一兩去鬚糯米一合寒水石三分兩

右搗篩以水二大盞煎至一盞半去滓不計時分溫
服

大青散

治傷寒壯熱頭痛發瘡如豌豆徧身

大青

梔子仁

川大黃

剉碎炒

犀角屑

川升麻

甘草

炙微赤剉以
上各一兩

右為散每服五錢以水一大盞煎至五分去滓溫服

不計時

治傷寒熱毒未解欲生豌豆瘡發熱疼痛宜服解肌出

汗方

葛根剉一兩 石膏一兩 去
赤芍藥半兩 桂心半兩 炙
甘草半兩 微赤剉 黃芩半兩

右搗為細散每服不計時以煖酒調下二錢併三服

衣蓋取汗

治傷寒病發豌豆瘡未成膿初覺宜服

出聖惠方

黃連一兩
去蕷

右搗碎以水一大盞煎至六分去滓不計時候溫服

便消不成膿也

又方

出聖惠方

用好蜜徧磨瘡上亦可以蜜煎升麻摩之并數數服之

又方

出聖惠方

木香

半兩

右擣碎以水一大盞煎至六分去滓頓服之

治傷寒發豌豆瘡欲出宜服

甘草一兩
微赤剉

右搗碎以水一大盞煎至六分去滓任食前後細細服之以防瘡出如已出即不服

又方出聖惠方

用清油一小盞服之即不生

又方出聖惠方

牛乳四兩
酥一兩

右先煖乳令微沸即下酥消盡便服空心頻頻溫

服即不生

治傷寒病壯熱頭痛發瘡癰身如豌豆

豬猪膽一枚

右以醋半小盞合膽汁煎一沸放溫為一服不計時

治傷寒白頭瘡四邊赤腫欲發豌豆瘡出聖惠方

麻黃一兩去根節川大黃一兩碎微炒

右剉和勻每服半兩水一大盞煎至五分去滓不計

時溫服

治傷寒發豌豆瘡未作膿方一名青黛一物湯

出聖惠方

用青黛一兩細研以新汲水調下一錢不計時

石膏湯

出聖濟總錄

治傷寒天行壯熱頭痛發瘡如豌豆

石膏碎

二兩

柴胡

去苗兩

虎杖各

一兩

知母

焙半兩

芍藥

山梔子仁

三分

右鴉篩每服五錢水一盞半煎至八分去滓溫服

參麻湯

出聖濟總錄

治傷寒熱病生豌豆并癰瘡煩渴昏迷

元參

一兩

升麻

三分

犀角

鎊半兩

乾藍葉

一兩

甘草

炙剉三分

右搗篩每服五錢水一盞半入葱白三寸豉一百粒

同煎至一盞去滓溫服日二

二黃湯

出聖濟總錄

治傷寒天行熱病毒氣稍盛生豌豆并

炮瘡煩躁昏迷

大黃

剉炒半兩黃芩去黑心

麥門冬

焙去心

芍藥各一兩

甘草

炙三分剉半兩

大青

半兩

右擣篩每服五錢水一盞半煎至八分去滓溫服

治傷寒發豌豆瘡四邊赤腫方

出聖濟總錄

胡荽一
握一
生地黃一
兩

右細切搗絞汁空心頓服一盞許

升麻湯

出聖濟
總錄

治傷寒熱毒氣盛發瘡如豌豆

升麻半
兩

大黃
炒一
兩

剉碎微
黃連
去鬚

甘草
炙剉各
三兩

山梔子仁一
兩

右搗篩每服三錢水一盞煎至七分去滓溫服日二

犀角湯

出聖濟
總錄

治傷寒熱毒氣盛發瘡如豌豆

犀角半
兩

二
麻黃去根

黃連去鬚各
半兩

木香一
兩

右搗篩每服五錢水一盞半煎至八分去滓溫服

大青湯

出聖濟
總錄

治傷寒天行壯熱頭痛發瘡如豌豆偏

身

大青

一兩

山梔子仁

犀角

鎊各半兩

右搗篩每服三錢水一盞入豉一百粒煎至七分去

滓溫服

牡丹湯

出聖濟
總錄

治傷寒熱毒發瘡如豌豆

牡丹皮

山梔子仁

黃芩

去黑心

大黃

炒

木香 麻黃

去根節

右等分剉如麻豆大每服三錢水一盞煎至七分去

滓溫服良

化毒湯

出聖濟總錄

治傷寒發斑豆瘡欲出

甘草

微炙去鬚微

黃連

去鬚微炒一兩

右剉如麻豆大每服五錢水一盞半去滓溫服不計

時

內消散

出聖濟總錄

治傷寒熱病欲生豌豆瘡毒未出令不

成

用墨一分以酒二合磨令頓服之

紫草飲

出聖濟
總錄

治傷寒熱病生炮瘡煩躁迷悶

用紫草并根細剉二兩搗篩每服三錢水一盞煎至七分不計時溫服

竹葉湯

治傷寒時氣發瘡如豌豆煩悶

苦竹葉切小麥各二兩

石膏碎三兩

右搗篩每服五錢水一盞半煎至一盞去滓溫服不

計時

龍腦丸

出聖濟總錄

治傷寒時疾發豌豆瘡及赤瘡子未透

心煩狂躁氣喘妄語或見神鬼

用龍腦一錢細研旋滴猪心血和丸如雞頭實大
每服一丸紫草湯化下少時心神便定得睡瘡復
發透依常將息安

黑散子

出聖濟總錄

治傷寒熱病初出豌豆瘡三五箇便服

此令瘡不出

用臘月猪糞以新砂瓶子盛瓦蓋口炭火燒令通
赤取出安地上出火毒入乳鉢研細每服一錢空
心新汲水調下

紫草湯出聖濟總錄治傷寒發班疹豆瘡

紫草 荆芥 惡實等分

右搗篩每服三錢水一盞煎至七分去滓溫服

晉中書令王珉傷寒身驗方

用樺皮濃煮汁冷飲主傷寒時行熱毒瘡特良今

之豌豆瘡也

治傷寒發豌豆未成膿

出千金方

用芒硝以猪膽相和塗瘡上立效

痂落無痕仍用黃土抹上良

木香散活人書治瘡煩痛者

青木香

一兩

薰陸香

一兩

礮石

一兩

丁香

各一兩

麝香

半兩

右咬咀以水四升煮取一升半分兩服熱毒盛者加

犀角一兩無犀角以升麻代病輕者去礮石神驗

治豌豆瘡初發覺欲作者

方出千金方

用煮大黃五兩服之愈

傷寒鼻衄

論

夫傷寒劫者鼻中血出者是也雜病衄者實熱在裏傷寒衄者實熱在表何以言之病原曰九人肝藏血肺主氣開竅於鼻血得熱則散隨氣上從鼻中出則為衄是雜病者實熱在表世經曰傷寒脉浮緊不發汗因致衄者宜麻黃湯傷寒不大便六七日頭痛者熱實小承氣湯其小便清者知不在裏仍在表也當須發汗頭痛者

必衄宜桂枝湯以此觀之是傷寒衄者責其表熱也千金翼曰吐血有三種一曰肺疽二曰傷胃三曰內衄既吐血家謂之內衄其鼻中出血者可謂之外衄是經絡之血妄行也經絡熱盛陽氣擁重迫血妄行出於鼻則為衄經曰其人發煩目瞑劇者心衄衄乃解所以然者陽氣重故也又曰陽盛則欲衄陰虛小便難言衄為經中陽盛煩傷寒肺浮鼻中燥口燥但欲漱水不欲嚥者是欲衄也經曰陽明病口乾鼻燥能食者則衄又有不

應發汗而強發汗因致衄經曰十陰病但厥無汗而強發之必動其血未知從何道出或從口鼻或從目出是名下厥上竭為難治是也衄家雖為邪熱在經而又不可發汗經曰衄家不可發汗發汗則頭上陷脉緊急直視不能言不得眠前云桂枝湯麻黃湯治衄者非治衄也即是發散經中邪氣耳若邪氣不得發散擁成於經逼迫於血則因致衄也即非桂枝麻黃湯專治衄也太陽病脉浮緊發熱身無汗自衄者愈是經中之邪隨血

而散則解矣故知効者不得桂枝湯麻黃湯發散之也
効者若但頭汗出身無汗及汗出不至足者死黃帝云
此不治之疾臨病之際審而治則不失矣歌曰太陽發
効病將解効後仍將脉審詳有汗脈浮須用桂緊而無
汗用麻黃桂即桂枝湯也麻黃即麻黃湯也太陽病自
効及服諸表藥後自効者為欲解也有汗脈浮再用桂
枝湯無汗脉緊再與麻黃湯脉微者犀角地黃湯又黃
芩芍藥湯茅花湯効而渴欲飲水入即吐先服五苓散

次竹葉湯少陰証無緣有血少陰証但厥而無汗強發之必動血動血者死或出口鼻或耳目也是謂下厥上竭聖濟總錄論云傷寒鼻衄者由熱氣盛血液妄行蓋心主血肝則藏之肺主氣鼻則通之心肝為熱邪所傷血則隨氣行所以隨鼻出也昔人謂陽盛則衄者蓋陽盛則熱盛熱盛則宜衄故傷寒太陽証衄血乃解謂是故也至於陰病則不宜衄蓋陰証自無熱安得而衄故少陰病但厥無汗強發之必動血從口鼻耳目出者是

謂下厥上竭為難治也歌曰陽明口燥若頭疼水不下
咽得衄血瘀血停留定發狂病家外証無寒熱陽明身
熱頭疼鼻衄脉微者犀角地黃湯外証無寒熱者必發
狂此瘀血停留也輕者犀角桃仁承氣甚者抵當湯取
盡黑物為度

方

茅花湯

出聖濟總錄

治傷寒衄血不止

茅花一
把

右剉碎以水三盞煎濃汁一盞分二服無花以根代
之一方加燈心

竹茹湯

出聖濟
總錄

治傷寒鼻衄不止

青竹茹

黃芩

去黑心
各一兩

蒲黃

伏龍肝

各半兩

右粗搗篩每服五錢水一盞半煎至八分去滓下藕
汁一合攪勻食後溫服

犀角湯

出聖濟
總錄

治傷寒鼻衄不止頭面俱熱

犀角

大青

甘草

炙

各三分升麻

雞蘇莖葉

小薊各一
兩 黃芩去黑心
芍藥各一
兩半 生乾地黃
焙

朴硝各二
兩

右㕮咀如麻豆每服五錢水一盞半煎至八分去滓

溫服

阿膠湯

出聖濟總錄

治傷寒鼻衄不止此是陽毒攻腦

阿膠炙令

燥去黑心一分

黃芩去黑心
一分 葱白五寸

連鬚破一百粒

乾艾葉

炒半兩

右細剗分作二服每服用水一盞半煎至七分去滓

下生地黃汁一合攬勻食後溫服

黃芩湯

出聖濟
總錄

治傷寒鼻衄不止

黃芩

去黑
心

梔子仁 大黃

炒剉

蒲黃

荆芥穗

各半
兩

右剉如麻豆大每服三錢水一盞半煎至八分去滓

溫服不拘時

金黃散

出聖濟
總錄

治傷寒鼻衄不止

鬱金

甘草

炙各
一兩

黃藥子

黃芩

去粗皮
各一
兩

右擣羅為細散每服二錢冷水調下不拘時以止為

度

鈎藤散

出聖濟
總錄

治傷寒頭痛壯熱鼻衄不止

鈎藤

桑根白皮

剉馬牙硝各一兩

梔子仁

甘草

炙各三分

大黃

剉炒黃芩去黑心各一兩半

右粗搗篩每服三錢水一盞竹葉三七片煎至六分去滓下生地黃汁一合攬勻食後溫服

竹茹湯

出聖濟
總錄

治傷寒鼻衄不止

青竹茹

雞子大圓

生地黃

半兩拍碎

右以水一盞半煎至八分去滓食後溫服

羚羊角湯出聖濟總錄治傷寒肺熱鼻衄不止

羚羊角鎊犀角 桔子仁 麥門冬去心焙

紫苑去苗毛各三分牛黃研元參各一分黃耆 人參

甘草炙各半兩赤茯苓去黑皮一兩

右搗粗篩每服五錢水一盞半煎至八分去滓食後

溫服日二

前胡湯出聖濟總錄治傷寒內熱鼻衄痰壅吐逆

前胡頭

去蘆

甘草炙

白朮

陳橘皮

湯浸去白焰

大腹皮

各三分

赤茯苓

去黑皮

旋覆花

桔梗

炒各半兩

半夏

湯浸七遍一分

右搗粗篩每服五錢水一盞半生薑一棗大拍碎煎至八分去滓食後溫服

髮灰散

出聖濟總錄

治傷寒鼻衄不止

亂髮

一團如碗大燒成灰麝香研錢半

右同研極細每服一錢新水調下又取少許吹鼻中

立差

四生飲

治傷寒衄血心胸煩滿

生地黃汁

三合生蘿汁二合生蘇薊汁一合生薑汁半合

白藥子

一分細末

右和勻於銀石器中微溫食後分二服

升麻湯

出聖濟總錄

治傷寒鼻衄不止頭痛壯熱

升麻

雞蘇莖葉

芍藥各

一分青蒿

犀角

銚各半兩芒硝三分

右粗搗篩每服五錢水一盞煎至六分去滓下地黃

汁一合食後溫服

地黃飲

出聖濟總錄

治傷寒、鼻衄

生地黃汁

二合蜜二

右攪勻頓服

加減柴胡湯

出經驗良方

治傷寒、鼻衄

柴胡

去蘆八錢

半夏

薑製二錢半

黃芩

去黑心二錢半

人參

去蘆

甘草

炙三錢

加生熟地黃

共半兩

右咬咀每服二錢水一盞半生薑二片棗一枚煎至
七分去滓溫服大人倍加煎服

滑石湯出本方治傷寒衄血

右用滑石末不拘多少飯丸如桐子大每服十九微
嚼破新水嚥下立止只用藥末一錢以飯少許同
嚼下亦得老幼皆可服湯晦叔云鼻衄者當汗不
汗所致其血青黑時不以多少乃得止且服溫和
藥以調其榮衛纔見血鮮急服此藥止之

血溢湯 治少陰病氣厥發劔者

黃藥二兩 甘草炙一兩

右以水三升煮取一升去滓溫分兩服

治傷寒真劔肺間有餘熱故也血因熱自行不止用此

方

牡蠣二兩半 石膏一兩六錢

右治下節酒服方寸七日三四亦可蜜丸如桐子大

用治大病差後小勞便鼻劔者

苦參湯 治鼻衄

苦參三 黃連二 桔子二七枝 大黃一兩 地黃生乾一兩

右切以水五升煮取二升半去滓分兩服吾期年已
療數十人無不差者都下地黃難得無使門冬亦
差忌蕪荑猪肉冷水

止血立效散出德生堂 治鼻口出血不止立效

生地黃 熟地黃 枸杞 地骨皮各半兩

白芍藥 當歸各一兩

右為末每服三錢重冷酒半盞調服

噙鼻神效散

出德生堂

止血

真膽礬

或綠礬亦可

右碾為細末葷管吹入鼻血立止

麻黃升麻湯

出危氏方

治傷寒發熱不行血隨氣壅俗謂紅

汗者

麻黃

去根節

升麻

一兩一分

黃芩

芍藥

甘草

石膏

茯苓

各一兩

右剉散每服四大錢水一盞生薑三片煎熟服微汗解

桂枝桔萎湯出危氏方治傷風汗下不解鬱於經絡隨氣泄
衄出而衄則為清血或清道閉流入胃管清血遇寒
搏之色變瘀黑者

桂心 白芍藥 甘草 川芎 桔萎根

右搗分剉散每服四大錢水一盞半薑三片棗一枚
煎服頭疼可加石膏

黃芩散出聖惠方治傷寒上焦壅熱心神煩躁鼻衄不止

黃芩三分川大黃三分剉
石膏三分羚羊角半兩藍葉三分川朴硝一錢甘草半兩炙甘草半兩赤芍三分

右件搗篩為散每服五錢水一大盞煎至五分去滓

不計時溫服

黃連散出聖惠方治傷寒心肺熱毒鼻衄不止或兼唾血

黃連三分去鬚黃芩一錢梔子仁半兩甘草半兩炙甘草半兩赤芍三分

伏龍肝二分淡竹葉一兩

右件搗篩為散每服五錢水一大盞入生薑半分煎至五分去滓入生地黃汁一合亂髮灰一錢攪勻更煎三兩沸不計時候溫服以差為度

艾葉湯出聖惠方治傷寒効血及吐血連日不絕欲死

艾葉半兩細炒微黃 生乾地黃半兩阿膠一分杵研碎炒黃燥為末

右件藥都和勻分為二服水一中盞煎至五分去滓下赤馬通汁一合攪令勻不計時候溫頻服以差為度

羚羊角散

出聖惠方

治傷寒衄血不止宜服

羚羊角屑

三分

犀角

二分

牛黃

一分

人參

半兩去蘆頭

白茯苓

一兩

麥門冬

三分去心

黃耆

三分剉

梔子仁

三分

甘草

一兩赤微

紫苑

三分苗土

丹參

半兩

元參

三分

右件搗篩為散每服五錢水一大盞煎至五分去滓入牛黃末一字攬勻不計時放溫頻服之以差為度

升麻散

出聖惠方

治傷寒鼻衄不止頭痛壯熱

川升麻

一兩

青蒿

半兩

犀角屑

半兩

雞蘇莖葉

一兩

麥門冬

一兩

川朴硝

右件搗篩為散每服四錢水一中盞煎至五分去滓

下地黃汁一合更煎一兩沸不計時溫服

刺薊散

出惠方聖

治傷寒鼻衄不止兼唾血

刺薊

一兩

黃連

三分

去鬚

黃芩

一兩

梔子仁

三分

亂髮灰

一分

紫蘇莖葉

半兩

阿膠

二兩

杵研

炒令黃燥

甘草

三分

炙

微赤

羚羊角屑

三分

右件搗篩為散每服五錢水一大盞煎至五分去滓下地黃汁生薑汁各半兩和令勻不計時服之以差為度

生乾地黃散出聖惠方 治傷寒發汗而汗不快致內有蓄熱及鼻衄血不止內有餘血者面色黃大便赤消化瘀血

乾生地黃四兩 赤芍藥一兩 牡丹皮二兩 犀角屑一兩

黃芩一兩 茜根一兩

右為散每服五錢水一盞煎至五分去滓不計時溫
服

飛雪湯出聖惠方治傷寒衄血數升不住者

麻黃三兩去根節石膏三兩研碎芫花一兩川大黃二兩

右件藥都切水一斗半煮取七升放冷披髮仰卧以
淋其面血住即止

苦參散出聖惠方治傷寒鼻衄血

苦參三兩去根黃連二兩梔子仁二七枚川大黃一兩碎微炒

生乾地黃一兩
石榴花半兩
微炒

右件藥搗篩為散每服五錢水一中盞煎至五分去

滓不計時溫服以差為度

蒲黃散聖惠方治傷寒鼻衄不止心胸煩悶

蒲黃三分犀角屑半兩子芩三分紫蘇莖葉半兩

側柏葉半兩甘草一分炙
微赤剉

右為粗散每服五錢水一大盞煎至六分去滓以伏龍肝半兩水瀝取清一合粗合令勻不計時分為

二服以差為度

又方

一名雞蘇散
出聖惠方

甘草

一兩炙
微赤剉

雞蘇莖葉

一兩淡竹葉握

右件藥搗碎水一大盞半煎至八分去滓不計時分

為二服以差為度

治傷寒衄血不止

出聖惠方

阿膠

一兩杵碎

貝母

半兩炒令黃燥
令微黃

右搗羅為散每服不計時以溫水調下一錢

又方出聖

惠方

赤馬糞半兩燒爲灰

石耳半兩龍骨半兩

右搗羅為散更研令極細取少許吹入鼻內未定相

續用之

治傷寒口鼻俱出血可及三五升宜服此方

出聖
惠方

亂髮灰半兩伏龍肝一

右件藥同研令細每服不計時以新汲水調下二錢

頻服以差為度

雞冠花散

出聖惠方

治傷寒鼻衄不止

雞冠花

麝香

一分細研

右件細羅為散與麝香同研令勻以生地黃汁一合
冷水半盞攪令勻不計時調下二錢頻服以差為
度

治傷寒胸膈間有餘熱衄血不止

出聖惠方

牡蠣

二兩為粉燒

石膏

二兩

右件藥搗細羅為散每服二錢不計時以生薑調下

頻服以差為度

刺薊散

出聖惠方

治傷寒毒熱盛鼻衄不止

刺薊半土瓜根半子芩半兩蠟面茶一兩

麝香研半錢分

右件藥為細散入麝香研令勻每服不計時以冷蜜

水調下二錢以差為度

黃藥散

出聖惠方

治傷寒鼻衄可及一斗已來不止方

黃藥一兩

右搗細羅為散每服二錢不計時以新汲水調下

犀角地黃湯出鮑氏方治鼻衄傷寒陽氣重不得汗或薑附

侵於陰者

芍藥

七錢半

生地黃

八兩

牡丹皮

一兩

犀角屑

一兩或升麻代

右為散每服三錢重煎

桃仁承氣湯

出德生堂

治傷寒鼻口出血及大便秘結小便

黑赤如血此小腹中有瘀血故也

枳實

一錢

厚朴

二錢

桃仁

二十四個去皮尖切碎

大黃

三錢另研下

右㕮咀如法修製作一服水盞半煎一盞却下大黃

每二三沸去滓溫服大便內下黑白血糞為愈

又方止血

出德生堂

右用山梔子亂頭髮燒灰研為細末吹入鼻孔

治傷寒熱毒氣攻於肝心兩臟毒氣煩盛上衝於肺血隨氣逆鼻中衄血口中吐血甚則耳中眼中皆有血

出護命方

杏仁 貝母去心 射干 連翹 牡丹皮去心

羌活 元參 黃芩 山梔 大黃 升麻

滑石 荆芥穗 麥門冬去心各一分 鬱金三分

牽牛一兩 麻黃去根節半兩

右細杵羅為末每服四錢以水一盞半同煎一兩沸
便瀉出食後臨卧去滓徐徐吃不要煉過即無驗

黃芩芍藥散出活人書治傷寒血

黃芩三分 芍藥甘草各半兩

右為粗末每服三錢水一盞煎至六分去滓溫服

治大病差後小勞便鼻衄出肘後方

牡蠣散 味鹹平微寒無毒貝母為之使得甘草

牛膝遠志蛇牀良惡麻黃莫茱萸辛荑凡用東流水煮過火燒令通赤亦同搗末酒服方寸匕日三四亦可蜜丸如梧桐子大服之

傷寒後熱毒攻眼論

夫五臟六腑精氣皆上注於目諸脉之所屬也傷寒差後餘毒未盡內乘於肝邪熱上衝血脉壅滯故令眼目赤痛甚者成瘡或生翳膜毒障瞳人治宜涼肝經以消

熱毒目者臟腑之精華肝之外候也傷寒熱毒擁滯薰
蒸於肝上攻於目則令目赤腫痛若毒氣盛者眼生翳
膜又肝開竅於目肝氣虛熱上衝於目故目赤痛重者
生瘡翳白膜息肉

方

麥門冬散出聖惠方治傷寒熱氣攻眼昏暗及有熱淚瞼下
溢痛漸漸至重

麥門冬去羚羊角屑 防風去蘆頭 決明子

甘草

炙微赤剉各一兩

赤茯苓

赤芍藥

蕤仁

地骨皮

各半兩

右搗篩為散每服五錢水一大盞煎至五分去滓不

計時溫服

治傷寒熱毒氣攻眼赤濿浮翳宜服

出聖惠方

川升麻

川朴硝各一兩

黃芩

甘草

炙微赤剉各三分

右搗篩為散每服五錢水一大盞入竹葉三七片煎至五分去滓不計時溫服一方有黃連

蕤仁散

出聖惠方

治傷寒熱毒攻目障翳赤腫

蕤仁

漏蘆

黃芩

犀角屑

連翹

川升麻

甘草

炙微赤剉

川大黃

剉碎炒微黃

梔子仁

枳實

麸炒微各一兩

大黃

剉碎炒一兩

右搗篩每服五錢水一大盞入竹葉三七片煎至五分去滓不計時溫服

柴胡散

出聖惠方

治傷寒熱毒攻眼障翳赤澁疼痛

柴胡

去苗

地骨皮

黃芩

甘菊花

各三分

元胡索

半兩

石膏一兩 甘草炙微赤剉 羌活 防風去蘆頭各半兩 川椒

川朴硝一兩半

右搗篩為散每服五錢水一大盞入竹葉三七片煎

至五分去滓不計時溫服一方有元參無元胡索

羚羊角散出聖惠方治傷寒熱氣毒攻眼赤澁昏暗疼痛

羚羊角屑 決明子 芳薷 羌活 石膏

柴胡苗去黃芩 人參去蘆頭川大黃剉碎微炒已上各一兩

梔子仁半兩

右為散每服五錢水一大盞入竹葉三七片煎至五
分去滓不計時溫服

黃芩散

出聖惠方

治傷寒熱毒氣攻眼翳膜赤腫

黃芩

黃連

去

鬚決明子 元參

柴胡

去苗已上一兩

右為散每服五錢水一大盞入竹葉三七片煎至五
分去滓不計時溫服

秦皮散

出聖惠方

治傷寒熱攻眼忽生赤翳疼痛不可視明

或眼外浮腫

秦皮 前胡頭去蘆 蕃仁 黃芩 川升麻

赤芍藥 枳殼麸炒微黃去穰 甘草炙微赤剉 各一兩

梔子仁半兩 川大黃剉碎微炒 川芒硝各二兩

右為粗散每服五錢水一大盞煎至五分去滓不計時溫服

石膏散出聖惠方 治傷寒未解熱毒氣上衝頭痛目赤澁

石膏 柴胡去苗一兩 各葛根剉 赤芍藥 黃芩

梔子仁各半兩 甘草一分微赤剉

右為散每服四錢水一中盞入生薑半分葱白二莖
豉五十粒煎至六分去滓不計時溫服

決明子散出聖惠方治傷寒熱毒氣攻眼目生赤白翳澀痛
不可忍

決明子 川升麻 黃蘖 剁秦皮 川芒硝各一
兩

蕤仁兩半 黃連一兩半 甘草半兩炙微赤剗

右粗羅為散每服五錢水一中盞煎至五分去滓不
計時溫服

升麻散

出聖惠方

治傷寒熱毒攻眼生翳

升麻

黃芩

各一兩

黃連

去鬚

青箱子

甘草

炙微赤剉各三兩

川芒硝

一兩

右粗羅為散每服五錢水一大盞煎至五分去滓不

計時溫服

青箱子圓

出聖惠方

治傷寒熱毒攻眼赤痛兼有翳暈

青箱子

川大黃

剉碎炒微

黃連

去鬚

黃芩

川升麻

梔子仁

已上各一兩

兔肝

三分微炙

川朴硝

二兩

苦參

三分

右為末煉蜜和丸如梧桐子大每服不計時以溫漿

下三十九

治傷寒熱毒氣攻眼生赤白翳宜服此方

出聖惠方

用烏賊魚骨一兩不用大皮為細散入龍腦少許

更研令細取小許點眼日三四度

治傷寒大病後熱毒氣攻眼

出聖惠方

用露蜂房二兩以水三盞煎至二盞去滓放溫洗

點目三五度

治傷寒熱毒氣攻眼生翳

出聖惠方

用豉三七粒燒為灰細研如粉以少許點翳上日

三四度一方為末以管吹入鼻中

羚羊角湯

出聖濟總錄

治傷寒後熱毒風壅攻衝眼目昏暗

疼痛

羚羊角屑 決明子 芳窮 羌活

去蘆頭

石膏

碎各一兩

茈胡

去苗心

黃芩

去黑

人參

各半兩

右粗搗篩每服三錢水一盞入竹葉三七片煎至六

分去滓溫服早晚食後各一

黃連湯

出聖濟總錄

治傷寒後毒氣上攻眼生浮翳赤痛

黃連

去鬚

黃芩

去黑心

升麻

各三兩

甘草

炙三分

朴硝

研半兩

右粗搗篩每服三錢水一盞入竹葉三七片煎至六

分去滓溫服早晚食後各一

連翹湯

出聖濟總錄

治傷寒後毒氣上攻眼目赤痛及生障

翳

連翹

漏蘆

去頭蘆

黃連

去鬚升麻

麻黃

去節根

白斂 大黃剉炒甘草炙朴硝

右粗搗篩每服三錢水一盞入竹葉三七片煎至六分去滓溫服早晚食後各一

地膚子丸出聖濟總錄治傷寒熱病後眼目諸疾

地膚子 決明子 沙參 羚羊角屑 菊花

秦皮 枳殼去穰炒大黃剉碎已上各一兩

右為末煉蜜和丸如梧桐子大每服食後下二十九

決明丸出聖濟總錄治傷寒後眼目昏暗生瘡赤痛

石決明 黃連去鬚車前子 細辛去葉 楢子仁

枳殼去穰炒各一兩 大黃剉炒黃芩去心 黃柏去黑 羚羊角屑各半兩

右為末鍊蜜為丸如梧桐子大每服二十丸食後煎

竹葉湯下

麥門冬丸出聖濟總錄 治傷寒熱病後眼暗有翳及赤澀疼

痛

麥門冬去心澤瀉 芫蔚子 枸杞子 枳殼去穰炒

生乾地黃焙 石決明刮淨 黃連去鬚已上 細辛去苗葉 半兩

右為末煉蜜和丸如梧桐子大每服二十九食後米

飲下

犀角湯

出聖濟
總錄

治傷寒後肝氣實目中痺痛或生翳暈

犀角屑

三分

瞿麥穗

黃芩

去黑心

黃連

去鬚

木通

剉

梔子仁

大黃

炒

車前子

各半兩

人參

一兩

右粗搗篩每服三錢入竹葉三七片煎至六分去滓

溫服早晚食後各一

洗眼秦皮湯

出聖濟
總錄

治傷寒後熱氣上衝目生瘡翳

秦皮一竹葉一握防風去蘆菊花萎蕤各半

蕤仁去殼研甘草生用三分

右粗搗篩用水二升煮取一升綿濾去滓放溫洗眼

不拘時

防風湯出聖濟總錄治傷寒後肝虛目暗視物不明或見黑

花

防風去蘆芽甘草炙人參茯神去剉

獨活

前胡去蘆頭各一兩細辛去苗葉菊花

右粗搗篩每服五錢水一盞半煎至一盞去滓溫服

早晚食後各一

漏蘆連翹湯出千金方治傷寒熱毒變作赤色癰疽丹疹腫毒及眼赤痛生障翳者主之此方兼療天行

漏蘆 連翹 黃芩 麻黃去根節 白斂 升麻

甘草炙各二兩 大黃切枳實 炙各三兩

右切以水九升煮取三升去滓溫服分三服相去二食頃更服熱甚者可加芒硝二兩忌海藻菘菜等

物

秦皮湯 治毒病衝眼忽生赤翳或白或腫膚起赤痛
不得視光痛入肝心或眼外浮腫如吹淚出生膜覆
珠子

秦皮 前胡 常山 黃芩 升麻 菖蒲

白微

枳實

炙甘草

炙已上各二兩

大黃

三兩

右以水八升煮取三升分二服相去二食頃更服若
盛熱者可加芒硝二兩忌海藻菘菜生葱生菜一

方加蕤仁一兩梔子仁半兩

秦皮湯

出聖惠方

治傷寒病熱毒氣入眼生赤脉赤膜白膚

翳者及赤痛不得見光痛毒煩惱者神效

秦皮 升麻 黃連各一兩

右切以水洗去塵用水四升煮取二升半冷之分用
三合仰眼以綿繞筋頭取湯以滴眼中如屋漏狀
盡三合止須臾復用日五六遍乃佳忌猪肉冷水

又方

出聖惠方

用冷水漬青布以掩目

治傷寒熱毒在肝善怒筋脉疼痛神昏不欲見人兩脇
脹滿不思飲食診其脉左手關脉一指大緊急宜服

此方出護命方

薄荷 荆芥穗 羌活 獨活 山梔

牡丹皮 黃芩 連翹 大黃各一兩 硝石四錢

牽牛一兩半夏二錢

右件藥除牽牛半夏硝石三味獨作一處杵所餘衆

藥只合作一處杵每服六錢衆藥末四錢牽牛等
末二錢以水一盞半先煎湯令服方入衆藥末四
錢葱三枝煎一沸急漏濁取汁一盞調下牽牛等
末食後和滓服

傷寒咽喉痛論

夫傷寒過經而不愈脉反沉遲手足厥冷者此為下部
脉逆致陰陽隔絕邪客於足少陰之經毒氣上熏故咽
喉或痛而生瘡也傷寒咽喉痛者少陰受邪邪毒壅遏

於上焦微則咽喉痛甚則痛而生瘡又傷寒過經邪熱
內盛熏於上焦令人咽喉腫痛各隨其証以法治之歌
曰發斑唾血成陽毒陰証咽中必有瘡汗出陰陽俱緊
澀法當咽痛號亡陽又論曰陰證者少陰也陰陽脉俱
緊主無汗有汗者曰亡陽屬少陰法當咽痛也治在自
汗亡陽條大抵咽痛甘桔湯猪膚湯不論陰陽証皆可
用也証法論口瘡赤爛蜜漬黃蘖嚥汁又升麻六物湯
又有非其暴寒伏於少陰之經脉微弱而咽痛次必下

利古方謂之腎傷寒先用半夏桂甘湯次四逆湯一二日當差應少陰經傷皆謂腎傷寒也亦多表裏無熱但苦煩憒默而極不欲見光明有時腹痛或脉沉細舊用四順湯古人以其烈不堪用云腎病而體猶有熱者可服黃連龍骨湯若已至十餘日下利不止手足徹冷無熱証者四順湯諸方書中皆不曾載黃連龍骨湯即於黃連雞子湯去雞子加龍骨半兩也四順湯即理中湯中加甘草一倍是也咽喉痛陽毒發成斑肢冷咽瘡腎

証着脉緊無陽咽亦痛脉微下利傷寒又論云咽喉不利或痛或瘡穀不入而嘔吐者毒氣上衝所致也陽毒必然發斑少陰四肢必冷其有不利者可與之甘桔湯半夏散入甘草生薑下之其不至下利或小便赤而去衣者可與桔梗湯入元參枳殼使大便順道則黑與之毒泄矣續以甘草生薑前湯調之甘草生薑解其毒也腎病咽痛不利身猶熱者未可用四順湯且與黃連龍骨湯即黃連雞子湯去雞子加龍骨湯陽毒咽痛發斑

吐膿血脉洪數用藥有本條各少陰咽痛咽瘡脉沉遲厥冷可吐利又陰陽脉俱緊反自汗為無陽法當咽痛而後吐利亦屬少陰並不可汗下重熨汗出宜以藁本粉傅之咽痛用甘桔湯猪膚湯若沉冷甚者半夏散通脈四逆去芍藥加北梗與之咽痛通用甘桔湯上焦壅熱枳殼北前胡腎傷寒一証乃非時暴寒中於人伏於少陰之經頭疼腰痛其脉微若初咽痛似傷寒次必下利非咽閉之比咽痛半夏桂甘湯即半夏散是也下

利四逆湯或四順湯主之証治論口瘡赤爛用蜜浸黃
蘖一宿取汁含嚥升麻六物湯咽中閉塞烏扇湯傷寒
六七日大下之寸脉沉遲尺脉不至咽喉不利唾膿血
手足厥利不止者難治麻黃升麻湯夫咽喉痛有陰陽
二証脉浮數而赤斑斑如錦紋咽喉痛唾膿血者此陽
証也脉沉遲手足厥冷或吐利而咽中痛此少陰証也
病源云此為下部脉都不至陰陽隔絕邪客於足少陰
之絡毒上衝故咽喉不利或痛而生瘡也傷寒脉陰陽

俱緊及汗出者亡陽也此屬少陰法當咽痛而腹脹吐利此候汗下熏熨俱不可汗出者以藁本粉傅之咽喉痛者甘草湯桔梗湯豬膚湯半夏散通脉四逆去芍藥加桔梗湯麻黃升麻湯可選而用之又有伏氣之病謂非時有暴露中人伏氣於少陰經始不覺病旬月乃發脉微弱沈先咽痛似傷寒非喉障之病次必下利始用半夏桂甘湯次四逆散主之此病只一二日便差古方謂之腎傷寒也

方

射干散

出聖惠方

治傷寒毒氣攻咽喉痛心煩躁熱胸膈滯

悶大小便難

射干

枳殼

麸炒微黃去穰

川升麻

馬牙硝

木通剉

川大黃

剉碎炒微

元參

各一兩

犀角屑

三分甘草

半兩生用

右為散每服四錢水一中盞煎至六分去滓不計時

溫服

馬蘭子散

出聖惠方

治傷寒毒氣攻咽喉閉塞疼痛不可忍

馬蘭子微炒 地骨皮 川升麻 黃芩 犀角屑

甘草生用 大青各半兩 馬牙硝二兩 苦竹葉三兩 刽

右為散以水三大盞煎至一盞濾去滓入蜜二合同
熬令稠不計時取一茶匙含嚥津

木通散出聖惠方 治傷寒咽喉閉塞不通小便赤澀

木通剉 羚羊角屑 川升麻 射干 蘆根剉

甘草生用各一兩 赤芍藥半兩

右為散每服五錢水一大盞煎至五分去滓溫服不

計時

麥門冬散出聖惠方 治傷寒熱毒在心脾口舌乾燥咽喉腫痛

麥門冬去川大黃半兩 剑刺碎微炒漢防已 葛根剉滑石

元參 木通剉各半兩 木香 甘草生用各一分

右為散每服五錢水一大盞入生薑半分葱白二莖
煎至五分去滓溫服不計時

升麻散出聖惠方 治傷寒心胸氣壅閉塞不通咽喉疼痛

川升麻 木通 劍 羚羊角屑 前胡 去蘆

桑根白皮 劍 川大黃 劍碎微炒 各半兩 馬蘭根

川朴硝 各一
兩

右為散每服五錢水一大盞煎至五分去滓不計時

溫服

羚羊角散 出聖惠方 治傷寒咽喉疼痛心神煩悶

羚羊角屑 木通 劍 射干 川升麻

地骨皮 各一
兩 蘆根 劍 三
兩

右為散每服五錢水一大盞煎至五分去滓溫服不計時

治傷寒經數日胸中妨悶咽喉噎塞痛不能飲食出聖惠方

射干 川升麻 人參去蘆頭各三分甘草生用

陳橘皮 湯浸去白穰
焙各半兩

右為散每服三錢水一中盞入生薑半分煎至六分去滓溫服不計時

桔梗散出聖治傷寒二三日咽喉痛
惠方

桔梗頭去蘆甘草二兩生用苦參半兩剉

右為散每服五錢水一大盞煎至五分去滓溫服不

計時

硼砂丸出聖惠方治傷寒舌緊強硬黑色咽喉閉塞腫痛

硼砂 馬牙硝 鐘金 苦葫蘆子

川大黃剉碎炒鼠粘子微炒白礬灰 黃藥

梔子仁 甘草生用黃芩已上各半兩

右為末煉蜜并沙糖和丸如雞頭實大每服一丸用

綿裹含化嚥津以差為度

甘草散

出聖惠方

治傷寒二三日毒氣攻咽喉痛腫

甘草

一兩生用

川升麻

射干各半
兩

右細剉以水三大盞煎至二盞去滓分為四服日三

服夜一服

苦酒湯

出聖濟總錄

治少陰病中咽痛生瘡不能語言聲不出者

半夏

十四枚湯洗七遍切焙

生雞子一枚

右將雞子破殼去黃入半夏在內并苦酒滿雞子殼置剪刀環中安火上令三四沸去滓少少含嚥之不差便再服

半夏湯出活人書治伏氣之病謂非時有暴寒人中伏氣干少陰中經始不覺病旬月乃發脈便微弱沈遲咽痛似傷寒非咽痺之病次必下利如用半夏桂心甘草湯又以四逆散主之此病只二日便差古方謂之腎

傷寒

半夏湯洗七遍切焙桂皮去粗甘草炙

右等分粗搗篩每服先以水一盞煎七沸入藥兩方寸匕更煮三沸下火放冷少少嚥之用生薑三片

同煎

麝干湯出聖濟總錄治傷寒咽喉閉塞痛欬嗽多腥氣

麝干木通剉升麻各一桔梗元參

黃芩去黑心甘草炙剉各三分

右粗搗篩每服五錢水一盞半煎至八分去滓食後

溫服

麥門冬湯

出聖濟
總錄

治傷寒、咽喉壅塞小便不通氣腹脹

口舌乾燥

麥門冬

去心
培

大黃

剉
炒

防已

元參

葛根

木通

剉

青竹茹

滑石

碎各半兩

甘草

炙剉一分

木香

一分半

右粗搗每服五錢水一盞半入生薑半分拍碎葱白五寸切同煎至八分去滓食後溫服

連翹散

出聖濟
總錄

治傷寒、熱毒未解咽喉壅塞口內生瘡

連翹半兩白藥子三分丹參半兩山梔子仁半兩惡實

黃蘖去粗蜜炙半兩茈胡去苗半兩甘草炙剉一分

右為細末每服二錢食後蜜水調下日二服

地黃煎出聖濟總錄治傷寒時氣肺熱欬嗽咽喉痛如有瘡

生地汁半升升麻 元參 菖蒲 茜胡去苗各一兩

貝母去心三分麥門冬去心焙各一兩竹葉兩白蜜五兩

右除地黃蜜外細剉用水五大盞煎至二盞去滓下蜜及地黃汁慢火煎成膏每服半匙不計時嚥津

玄參煎

出聖濟
總錄

治傷寒咽喉痛壅塞不通口苦

玄參

剉煮
一兩

羚羊角 鎔升麻 射干

各三分

芍藥

木通

剉各半兩

右粗搗篩每服五錢水一盞半生薑半分拍碎同煎至八分去滓食後溫服

茯苓湯

出聖濟
總錄

治傷寒毒氣上衝喉中痛悶塞不通

赤茯苓

去黑皮
半兩

木通

剉三分

升麻

羚羊角

鎔

前胡頭

去蘆半兩

大黃

剉炒各半兩

桑白皮

剉三分

馬蘭根

朴硝

右粗搗篩每服三錢水一盞至六分去滓食後溫服

牛黃散

出聖濟
總錄

治傷寒咽喉痛心中煩躁舌上生瘡

牛黃

研朴硝

研甘草

炙剉各一兩升麻

山梔子

皮去

芍藥

各半兩

右搗研為細散同研令勻每服一錢食後煎薑蜜放

冷調下

犀角散

出聖濟
總錄

治傷寒咽喉痛口中乾燥不止

犀角屑

半兩

黃連

去鬚鉛霜研各半兩

栝蒌根

半兩鬱金

甘草

炙剉各半兩

右為細散并同研勻每服二錢食後用去心麥冬煎
熱水調下

大丸

出聖濟總錄

治傷寒臘腑大熱毒氣及衝咽喉塞急痛

升麻

三分甘草

生射干各二兩

右為末入牛蒡汁和杵數百下丸如彈子大每服一
丸綿裹含化嚥津不拘時如和不成入煉蜜少許

麻黃地骨湯

出聖濟總錄

治傷寒頭痛自熱咽喉壅塞語聲

不出

麻黃去節三分

地骨皮

元參各半兩

五味子

三分甘草

剉炙

乾薑炮各半分

附子炮製去皮

一斤半兩

桔梗炒

知母

杏仁湯浸去皮尖

炒各半兩

右剉如麻豆每服五錢水一盞煎至六分去滓食後

溫服

治傷寒熱病後口乾喜唾咽痛

出千金方

大棗二十枚
烏梅十枚

右合搗蜜和丸如杏核大含嚥其汁甚驗

治傷寒熱病喉中痛閉塞不通

出活人書

生烏扇切一斤
猪脂一斤

右合煎成藥去滓取如半雞子大薄綿裹之內喉中
稍稍嚥之取差

又方出千金方

升麻
芍藥
羚羊角各三兩
通草四兩
射干二兩

生蘆根切一斤

右咬咀以水七升煮取二升半分三服

附子丸 治傷寒毒攻咽喉腫痛

附子炮藜蘆各等分

右為末蜜和丸如梧桐子大飲下一枚含黃檗亦佳

忌猪肉狸肉

一方出肘後方治毒病攻咽喉腫痛

右切當陸炙令熱以布藉喉以熨布上冷復易

一方

出肘後方

右取真閣茹爪甲口中牙小嚼汁以潰喉當微覺異

為佳

絡石散

出聖惠方治傷寒毒氣攻咽喉痛

絡石 元參 川升麻 射干 子芩

木通

剉各半兩甘草一分生用

右為散每服四錢水一盞煎至六分去滓不計時溫

服

五拗散 治感寒而語聲不出或至咽喉腫痛

麻黃

不去根節

杏仁

不去皮尖

甘草

生用

桔梗

荆芥穗

各分

右㕮咀生薑三片同煎溫頻頻嚥服咽喉痛甚者煎

熟後加朴硝少許

普濟方卷一百三十四